

Herberstein, Sigmund: Defensio.

Lf

169



MF 169



MF 169

MS

Celle 3384

8

SIGISMVNDI
Liberi Baronis
in Herberstein.



DEFENSIO INIVSTE
DELATORVM.

VIENNAE AVSTRIAE EXCV.
debat Raphaël Hofhalser.

ca. 1556 - 60

SIGISMVNDVS

Liberbaro in Herber-

STAIN NEYPERG ET GVETEN-

HAG DVCATVS CARINTHIAE

Supremus Hæreditarius & Camerarius, & Dapi-

fer: Serenissimi D. Domini Ferdinandi Ro. Hung.

& Bohem. Regis, Archid. Austriae: Ærarij Con-

silij præsidens. Excellentissimo Domino Hen-

rico Lorito Glareano Patricio Claro-

nensi Poetæ Laureato Amico

suo. S. D.

EX IO ANNE OPORINO TYPO-

grapho Basiliens: qui meam Moscouiam iam denuo

imprimebat, cognoui. Tibi meum opus vsq; adeo

placuisse, vt eius non solum in tuis præclaris Lucu-

brationibus ac monumentis honestam mentionem

feceris, verum etiam tua singulari autoritate atq;

eiusdem commédatione tantundem effeceris, vt ab

alijs plurimis nunc passim & legatur & commen-

detur. Quo quidem nomine magno affitior gau-

dio, Laborem nimirum nostrum probari tibi Viro,

quem omnes docti non minimum cum doctrinæ

A ij tum

1034256

tum verò eloquentiæ principem nostro tempore per Germaniam, agnoscant & obseruent. Porro & si nulla prorsus intercedente inter nos familiaritate aut quouis merito sed sola humanitatis ratione nostræ Moscouiæ cum summa laude memineris, meq; tibi eo nomine multum debere fateor, & cum in præsentiarum gratitudinem hanc aliter referre non possum: Existimabā tamen me tibi rem haud quam ingratam facturum, præsertim cum sciam te ardentissimo animo veritatem hystoriarum nostri temporis amplecti & literis mandare. Si ea quæ à quibusdam scriptoribus temere & falso in lucem prodire, & quæ ego compertissima habeo, quæq; oblata occasione in publicum profero. Si ea ipsa utcunq;, vere tamen scripta ad te transmitterem, ut haberes nimirū rem certam ac indubitam, quam in hystoriam, si quando hoc genus argumenti tractaturus sis, referre atq; quodāmodo inferere posses.

Fidelium Præceptorum monita, ut oracula obseruanda, re ipsa comperi. Nam cum maiorū consilio & mea voluntate ad arma me contuleram, fidelissimus Præceptor Magister Georgius Razenperger (quem ob eius bonitatem fidelitatem vitæq; integritatem ijs infero) me hortatus est, ne literas omnino postponerem, & ut saltem vnicam horam in die lectioni deputarem, id mihi profuturum pol-

licebatur

licebatur, feci, aliquando legi Historias præsertim, quas cum modernorum scriptorum percurrerem, reperio in certis multū à veritate aberrasse, forte ex nimio affectu, aut adulando, aut etiam vana relatione bonis viris detraxisse, alijs plus iusto tribuisse. Hinc duo mihi euenere, alterum ut tanto minus veteribus credam. Simul cum ego in publicis diu versatus sum, posse quod alijs accidit, mihi contingere, & cum habeā causam quæ me quodammodo sollicitum facit. Volui viuens ad huc non mihi solum verum etiam veritati ipsi subuenire. Vir omni laude dignus Guilhelmus Baro de Rogendorff fidelissimus, constantissimq;, Et si sub Buda Generalis Dux exercitus Anno Domini M. D. XLI. calamitoso belli exitu, infortunior factus erat, Is tamen antea nunq; dum Diuo Maximiliano & Carolo Imperatoribus in Italia & Hispanijs, atq; etiam Ferdinando Rom. &c. Regi officia præstabat, vilius inconstantiae aut infidelitatis insimulatus fuit. Quo nomine impius atq; crudelis videtur is, qui tantum virum, in extrema senectute constitutum, nihilq; magis cogitantem, quam ut honestam nominis sui existimationem, conseruaret, laudemq; rebus præclare gestis partam, apud omnem posteritatem retineret, tam horrendo prodicionis crimine insimulare atq; iam mortuum turpiter traducere, inq; vulgus nescio quæ crimina de eo spargere

A iii ausus

ausus est. Quamquam quis miretur hæc nostro infelicissimo ac perditissimo seculo fieri, cum videamus Clarissimis Ducibus ab æterno fere fatale fuisse, ut in ultimo vitæ actu circumuenti inuidia, in minutâq; dignitate in ipso contumeliæ dolore vitam clauderent.

EQuidem hæc non ex aliquo singulari erga hunc virum affectu, scribo. Siquidem mihi, nec sanguine, nec affinitate iunctus erat, nec vlllo suo patrocinio, aut quouis auxilio dum viueret me, iuuit, habere potius causam si quidq; eiusmodi in eo excessus reperissem aut scirem, grauius in eum inuehendi quam defendendi, cum eo tempore inter reliqua mala, duos summæ spei viros, nominis mei, alterû nepotem ex amantissimo fratre germano amiserim, Sed sola instituti mei atq; adeo veritatis ratione impulsus, ea duntaxat, quæ ipse compertissima habeo scribo.

ET enim cum à Serenissimo Rom. Rege mense Martio ad illum Budam obsidere tendentem missus fuisset, cum tum officium vigilantissimi Ducis præstare facile animaduerti. Dein rursus mense Augusto cum Cæsareæ Maiestatis Oratore Ioanne Thoma Pico Comite Mirandulæ, cum sub Budam venissemus, plenâq; mandata haberemus, cum illis,

qui Budam tenebant, de conditionibus tractandi, & modo, quo Buda in manibus eorundem permaneret, & ne in manus infidelium perueniret, Sed hanc rem honestis rationibus transigendam ac constituendam, cum ab aduersarijs nec admissi, nec audiri, sed cum pernitie totius Christianitatis exclusi seu repudiati fuisset. Castra tum diligenter perlustrantes atq; omnes conditiones Exercitus nostri considerantes, reperimus non proditione non minima cuiusq; malignitate, sed fatali quadam necessitate exercitum nostrum, in extremo versari periculo. Id quod statim post communi omnium malo experti sumus. Aduolante etenim potentissimo Christianorû hoste. Exercituq; nostro vtrinq; oppugnato atq; profligato, Budam proh dolor, continuo in Turcarum manus peruenisse.

Sic quoq; de quibusdam personis Anno Domini M. D. XLII. à Turcis in arce Strigonien: obsessis multa contumeliosè dicta ac conficta sunt, ex quorum tamen numero, qui superstites sunt, honestissimorum ac strenuissimorum Virorum officia Regibus etiamnum præstare solent. Præcipuè autem Franciscus Salamanca qui speciatim nominatus est. Is hodie Serenissimo Ro. Regi Domino meo Clementissimo non inter postremos seruit.

Hæc

HÆc inquam me terrent, & admonent, ut quod illis accidit & mihi accidere posset. Siquidem à fide dignis atq; adeò principibus viris Polonis obiectū atq; quodammodo exprobratum sit, modernum nempe Moscorū principem dictitare, patrem suum à Diuo Maximiliano Imperatore, Regis titulū accepisse, atq; ob id à Polonia Rege eundem titulum vsq; adeò requirere, ut si ille sibi Regium pariter titulum non tribuerit, nullas se pacis seu indutiarum condiciones cum eo initurum seu accepturum. Huiusmodi porro Rhutenorum principi, Regis Titulum ab Imperatore me Nuncio missum, mihi exprobrabant. Idq; quasi in polonorum præiudicium factum esse, reprehendebant.

Talia me non meo tantū sed longe magis pijsissimi Imperatoris Maximiliani nomine, commouent, atq; quodammodo perturbant, præsertim cum ea re tam pium; tamq; prudentē Principem iam olim vita defunctum, in odium hominum vocent. Ego verò cum hanc rem paulo exactius mecum reputo, non nisi à maleuolis commentam ac confictam existimo, qui principibus meis odium concitare eosq; hoc nomine omnibus quodammodo exosos & suspectos reddere conantur. Quis autem vel mediocri Moscouiticarum rerum cognitione præditus,

nescit? Basilium sibi ipsi nomen regium etiam anteaq; Maximilianus Imperator quicq; negotij cum eo haberet, usurpasse, titulūq; Czar usum fuisse, quæ quidem dictio Regem non Imperatorem, ut sui falso interpretantur, significat, Præterea Maximilianum quo ad vixit, maiorem se nunq; recognouisse, in omnibus suis sermonibus & scriptis nomen suum Maximi: Imperatori semper præposuisse, unde manifestum euadit. Moscum à Max: quem se inferiorem putabat, & cui se in omnibus sermonibus & scriptis præferebat, authoritatem seu titulū haud quaq; aucupasse.

Certe si literas Regis titulo, sibi inscribas, ab Max: accepisset, habuissetue, Eas vtrig; Anno M. D. XXVI. quum nomine summi pontificis, Episcopus Scaren: & Cæsareæ Maiestatis Caroli, &c. Comes Leonardus Nugarolis, Ego verò Sereniss: Do: Ferdinandi nunc Rom: Regis, ad promouendas atq; faciendas indutias inter Polonū Regem, & ipsum Moscum missi eramus, in mediū attulisset, præsertim cum sub id tempus in literis indutiarū de titulo Ducatus Massoutæ magna disceptatio ac difficultas inciderat, quem quidem titulum tanq; nouum & inusitatum Regi Poloniae ascribere. Moscus renuebat, post longas tamen disceptationes admisit, huius rei, ne quis dubitet, testes sunt literæ

B. indutia

indutiarum tunc firmatarū quæ in Archiuo Lithuanico seruantur. Porro si auctoritate literarum Max: sibi scriptarū Regis nomē vsurpare posset, aut post eius obitū Carolus Q. & Ferdinādus Rex sibi Titulum Regis inscripsissent, Quanam ratione Moscus impulsus nūc ad summū Pontificē, et ipsum Cæsarem, de Regio titulo (vt fertur) impetrando laboraret, si antea ab Imperatore Maxi. aut eiusdem nepotibus eodem titulo decoratus fuisset. Quo nomine equidem miror, cur titulum Regis ab alterutro petat, præsertim cum alterum se inferiorem vt dictum est, existimet, alterum verò religionis causa summo odio prosequatur: Imperatoris deniq; longè maiore titulo quem sibi vsurpat neglecto, Regis nomen ambire videtur.

CÆterum quod ad me attinet, equidem dum Oratorem agerem, vsq; adeò Principum meorum dignitatem omnibus in rebus constanter tuebar, vt etiam meam priuatam imminui nō passus sum, atq; ideo sæpe illorum ineptam ambitionem illusi, id quod in Moscouia nostra satis copiose declarauī, scilicet, de sinistra huius vocabuli Czar interpretatione. Ad hoc cum quidam ipsum Moscum album Regem appellarūt, vnde sibi talis titulus proueniat, nunq; rationabilem habui resolutionem, tantum abest vt aliquid præter mandatum egissem, aut adu-

latione turpi, illis quicq; illicitum tribuissem, in debitoque titulo quenq; ornassem. Profecto si aliquid tale aucupandæ beneuolentiæ gratia commissem, Moscumq; Regis titulo salutassem, iam olim delictum meum reuelatum fuisset, præsertim cum Oratores Lithuanici Regis Pol: subditi, vtriq; legationi meæ intererant, illisq; præsentibus hoc negotium agebatur. Quanam fronte igitur, si tanti criminis mihi conscius fuisset, ad D. Polonos & Lithuanos toties redire ausus fuisset? Nonne punderet me, si eiusmodi crimen firmo aliquo testimonio obijci mihi posset? Sed nondum frontem, gratia Deo, perfricui, quin in apertū prodire & quemlibet apertis oculis exporrectaq; fronte intueri audeo, nec etiam quemq; in medium vnq; proditum timeo, qui me eiusmodi criminis ac perfidiæ vlla ratione insimulari nedum certo aliquo fundamento conuincere poterit. Quæ verò Maximilianum pientissimū Imperatorem commouerint, cum Mosco inire tractatus, vnde & ista suspitio initium caput, deducam.

EO tempore quo Vladislaus regno Poloniae, frater autē eius Casimirus magno Ducatui Lithuaniae præsidebant: Mortuo Alberto Rom: Hung: & Bohemiae Rege, Archiduce Austriae, Hungari eligendi Regis gratia conuenientes, quidam cense-

bant Reginae viduae expectandum pariendi tempus, erat enim prope partum, Maior pars expectabat Regem regnantem non infantem nasciturum, Dissidentibus itaque Hungariae proceribus, legati designati erant, ad Vladislaum Polonum, sed priusquam ad eum peruenissent, nascitur posthumus Ladislaus coronaturque, mox dein superinducto Vladislao, infans legitimus haeres, atque Rex coronatus eijcitur, & tam diu exulat dum Vladislaus ad Varnam occumberet.

Post cladem Varnensem Ladislaus nemine repugnante Hungariae regnum paternum recuperat, quo regnante atque in Nandoralba, quam nostri vocant Albam Graecam, tum existente, Comes Celestiae aulicus idemque Regis cognatus ab Ladislao Huniade interficitur, idemque Ladislaus debita tanti sceleris poena Budae afficitur, eiusque frater Mathias Huniad pariter in vincula conijcitur. Mortuo Ladislao Rege Hungariae & Bohemiae, eligitur in Hungariae Regem Mathias Huniad, quem Georgius Poggebrat (qui ob Regis Ladislai mortem in magna suspitione erat) Pragae vinctum tenebat, cum sua filia sibi desponsata Hungaris misit, se ipsum autem Regem Bohemiae fecit.

Mathia dein Rege, sacram Hungariae coro-

nam, quam mater Ladislai Regis, vna cum filio in Austria pulsa, singulari industria asportauerat, repente, Eam nisi iure successionis in regno prius concessio ac promisso, restituere noluit, Tandem transactione facta, ac constituta, corona restituitur, reseruato nimirum Austriae principibus iure successionis, si Hungariae Rex sine masculino haerede (id quod contigit) decederet.

VLadislao Regi Poloniae Casimirus frater magnus Lithuaniae Dux successit. Elisabetham praedicti Alberti Romae Hungariae & Bohemiae Regis Archiducis Austriae filiam Ladislai Regis Hungariae & Bohemiae sororem, quam Poloni miris modis extollunt, uxorem duxit, ex eaque numerosam prolem suscepit.

Georgio Poggebrat Vladislaus Casimiri Poloniae Regis filius in regno Bohemiae successit.

Mortuo Mathia Rege Hungariae uxoremque relictam Vladislaus Rex Bohemiae, fauore & auxilio viduae sub spe matrimonij regno Hungariae potitur, Cum hoc rege pariter tractatum de iure successionis ac per vtriusque regni status confirmatum fuit, ut deficiente masculino haerede Austriaca domus in regno succederet.

Mortuo Casimiro Poloniae Rege successit Ioannes Albertus filius, quo mortuo, Alexander, dein Sigismundus, de cuius coniuge ducenda cum incidisset consultatio, in diuersas consultantium animi distrahebantur partes.

Stephanus Comes Scepusij qui apud Mathiam Regem summam rerum tenebat, habebat uxorem ex Ducum Theschinensium familia, feminā prouidam, ex qua susceperat Ioannem, Georgium, & Barbaram. Mortuo Mathia Rege Viennae Austriæ, conuolabant ex omnibus partibus oratores ad Stephanum, apud quem dum de regno Hungariæ tractarent, venerat a Casimiro Rege Poloniae Ioannes Laski, qui postea Archiepiscopus fuit Gnesnensis, in cuius praesentia, Stephanus Ioannem filium infantem manibus tenens, dicebat. Ioannes si esses tantulus, Rex Hung: esses, atq; ab eo tempore pater & mater Ioannis regno perpetuo inhiabāt. Hæc ex ore dicti Archiepiscopi Peterconiae accepi.

Erat nobilis Silesita Ioannes Rechenberger, Eques auratus, is seruiebat Regi Sigismundo Poloniae, sæpiusq; viduam Stephani Scepusien: accedebat; quo cū vidua tractabat, vt primores apud Regem Sigismundum vel muneribus induceret, quo

Regi persuaderet vt filiam Stephani in uxorem duceret, quod quidē effecerat, Rex itaq; Sigismundus Barbaram filiam Comitis Stephani Scepusien: in uxorem duxit, quæ Polonis admodum grata erat, magnumq; sui apud illos desiderium reliquit.

Vladislaus Rex Hungariæ, non cælebrauit nuptias cū relicta Mathiæ Regis, sed duxit coniugem ex Gallijs de familia Candale & Fuxensi, ex qua procreauerat, tunc filiolum Annam, hanc instantis: affectabat Ioannes Stephani Scepusien: filius.

Maximi: Imperator Rom: cum videret se iam tertio de suo iure successionis, si hoc matrimonium succederet, detrudi, continuo animo secum agitare atq; vt prouidus Princeps multa expendere ac circumspicere cæpit. Primū suspicabatur Regē Sigismundum, Sororio suo Ioanni Scepusien: fauere, qui apud fratrem Regem Hungariæ multum poterat.

Videbat præterea eundē Sigismundum maternæ hæreditatis nomine principatus, Austriacos, ac si illis mater eius nunq; renunciasset, postulare; atq; ob eam causam arma & insignia Austriæ tanquam hæreditaria ferre, Repetere deniq; dotem matris, quasi nondum solutam, quo nomine cautiones quantum in Austria iuris haberent (nam partes

regnorum Hungariæ: & Bohemiæ, ipsi possidebant) proferebantur, his rationibus ac postulati-
nibus impulsus Maximilianus, oratores suos ad Ba-
silium Magnum Ducem Moscouiæ misit, sociusq;
cum illo certis conditionibus iniit, Dissidentibus
itaq; duobus illis principibus, nascitur Vladislao
Regi Hung: Ludouicus filius, quo nato, eo tandem
peruentum erat, vt Sigismundus & frater Vladis-
laus vna cum filio & filia, Posonium venirent atq;
inter Ludouicum Regem & Mariam neptim Ma-
ximiliani ex filio Philippo Hyspaniarum Rege atq;
Maximilianū ipsum aut alterum ex nepotibus Ca-
rolum & Ferdinandum cum Anna filia Vladislai
Matrimonium contraherent, quibus quidem spon-
salibus foeliciter Viennæ Austriæ, (quo Reges &
Regulæ conuenerant) conclusis, pace, concor-
dia, amicitia, inter Maximilianum & Sigismundum
firmatis, veteriq; odio prorsus submoto: Maximi:
Cæsar statim post ad Moscouiæ principem misit
atq; rursus duos illos inter se dissidentes Principes
me Oratore in gratiam redigere satagebat.

Paulo, post Sigis: Rege Poloniæ Cracouiam
reuerso: Barbara sua coniunx moritur, Porro tanta
intercesserat inter Maximilianum & Sigismundum
amicitia, vt Sigis: mortua sua conthorali, cōstanter
diceret, se sine scitu & volūate Maximiliani vxorē

non ducturum, Maximilianus itidem dixit me præ-
sente, Cum hoc Rege se, quocunq; voluerit, vel in
cœlum vel ad inferos iturum, Dein quia Sigismun-
dus Rex masculo hærede careret, suasisit Maximilia-
nus, me internunctio vt bonam Ducis Mediolani
filiam, ex qua Sigismundum Augustum & quatuor
filias suscepit, duceret. Hoc connubio, multi Po-
loni putabant, Max: occulto se quasi vlciscendi de
Polonis studio, hanc immisisse fæminam. Hæc
quidem infatiam mihi dicere non erubuerunt,
quæ tamē prolem illis non ingratam peperit & hæ-
redem.

Post Maximiliani Imperatoris obitum, magnus
Dux Moscouiæ misit suos Oratores in Hyspanias
ad Carolum Quintum Imperatorem, sollicitando,
vt tractatus cum Maximiliano initos confirmaret,
Carolus verò Cæsar remisit illos ad fratrem tunc
Archiducem Austriæ, Mox vtriusq; fratris Orato-
res constituti: quo equidem tempore hanc legatio-
nem nomine Principis mei iam denuò suscipere
coactus fueram, atq; tum de titulis alijsq; necessa-
rijs quibusdam rebus, tempestiue admonui. Porro
ingressi iter cum Cracouiam, Rege tum præsentem
venissemus, in tãtam suspicionē veneramus, propte-
rea quod Mosci Oratores ex Hyspanijs redeuntes,
nos committarentur, vt nobis neq; hospitium de-

signauerāt neq; obuiam quemq; iuxta eorū con-
suetudinem miserant, mox intellecta nostra lega-
tione ac cognita cōstantia & firma Principum no-
strorū amicitia humanius tractabamur, Moscouiæ
tandem conclusis ac firmatis quinquenalibus indu-
tijs. Cracouiam reuersi veteri more, pro honore
principum nostrorum humaniter accepti & tracta-
ti fuimus.

His itaq; verē deductis ac ordine expositis, omni-
bus restatum ac notum esse volui. Principes meos
semel renouata cum Regibus Poloniæ ac reinte-
grata beneuolentia, Eisdem deinceps haud quāq;
simulata, sed vera ac firma semper prosecutos fuisse
beneuolentia, Eamq; post Matrimonij vinculo
confirmasse, quo dein morte dissoluto, altero con-
nubio veluti nouo atq; longē arctiore, solidæ, con-
stantissimæ ac perpetuæ amicitia vinculo colligasse,
atq; inuiolabilem reddidisse, Ea deniq; re Prin-
cipes meos, id quod quilibet æquus rerum iudex
intelligit, occasionem illis vicissim benemerendi,
gratiam reponendi, atq; mutuam beneuolentiam
perpetuo ac sanctē conseruandi præbuisse.

Quod ad me attinet. Equidem fateor me ha-
ctenus omni genere officij ac inseruiendi studio er-
ga Serenissimos Poloniæ Reges promptissimum
exhibuisse.

exhibuisse. Deq; suarum celsitudinū subditis omni
beneuolentia ac benemerendi voluntate quoad de-
bui, & potui, paratum ac promptum fuisse, & in
futurum pariter, me omnia quæ illis grata consero
esse facturum polliceor.

Hæc itaq; scribere atq; in publicum dare volui,
quod videam plures hoc nostro tempore qui dum
Historias scribunt affectu & falsa relatione magis,
quam veritate rerum adducti non personas solum
sed & nationes perstringere, vanitatem sæpe pro ve-
ritate in lucem ædere. Innocentes deniq; in-
tollemandis conuitijs, ac contumelijs con-
taminare audent, Vt ex his veritas
appareat, & si quis secus de hac
re scripserit, vanum id esse
posteritas intel-
ligat.

Z

The first of these is the fact that the
 government has been unable to
 maintain a stable currency. The
 value of the dollar has fallen
 sharply since 1929, and this
 has led to a loss of confidence
 in the government's financial
 policy. The second is the fact
 that the government has been
 unable to maintain a stable
 budget. The government has
 run a large deficit for many
 years, and this has led to a
 loss of confidence in the
 government's financial policy.

2

K.B.

